

## 渴望爱情的诗

1.  
油壁香车不再逢，峡云无迹任西东。梨花院落溶溶月，柳絮池塘淡淡风。  
。几日寂寥伤酒后，一番萧瑟禁烟中。鱼书欲寄何由达，水远山长处处  
同。——《无题·油壁香车不再逢》

2.  
有一美人兮，见之不忘。一日不见兮，思之如狂。凤飞翱翔兮，四海求  
凰。无奈佳人兮，不在东墙。将琴代语兮，聊写衷肠。何时见许兮，慰  
我彷徨。愿言配德兮，携手相将。不得於飞兮，使我沦亡。——《凤求  
凰·其一》

3.  
玉溱花争发，金塘水乱流。相逢畏相失，并著木兰舟。——《采莲曲》

4.  
鸾扇斜分凤幄开，星桥横过鹊飞回。争将世上无期别，换得年年一度来  
。——《七夕》

5.  
醉拍春衫惜旧香。天将离恨恼疏狂。年年陌上生秋草，日日楼中到夕阳  
。云渺渺，水茫茫。征人归路许多长。相思本是无凭语，莫向花笺费泪  
行。——《鹧鸪天·醉拍春衫惜旧香》

6.  
连理枝头花正开，妒花风雨便相催。愿教青帝常为主，莫遣纷纷点翠苔  
。——《落花》

7.

青青子衿，悠悠我心。纵我不往，子宁不嗣音？青青子佩，悠悠我思。纵我不往，子宁不来？挑兮达兮，在城阙兮。一日不见，如三月兮！——《子衿》

8.  
夜来沉醉卸妆迟，梅萼插残枝。酒醒熏破春睡，梦远不成归。人悄悄，月依依，翠帘垂。更接残蕊，更捻余香，更得些时。——《诉衷情·夜来沉醉卸妆迟》

9.  
不得哭，潜别离。不得语，暗相思。两心之外无人知。深笼夜锁独栖鸟，利剑春断连理枝。河水虽浊有清日，乌头虽黑有白时。唯有潜离与暗别，彼此甘心无后期。——《潜别离》

10.  
锦瑟无端五十弦，一弦一柱思华年。庄生晓梦迷蝴蝶，望帝春心托杜鹃。沧海月明珠有泪，蓝田日暖玉生烟。此情可待成追忆？只是当时已惘然。——《锦瑟》

11.  
日昃鸣珂动，花连绣户春。盘龙玉台镜，唯待画眉人。——《朝来曲》

12.  
玉楼缥缈孤烟际。徒倚愁如醉。雁来人远暗消魂。帘卷一钩新月、怯黄昏。那人音信全无个。幽恨谁凭破。扑花蝴蝶若知人。为我一场清梦、去相亲。——《虞美人·玉楼缥缈孤烟际》

本文链接：<https://duanjuziku.com/duanjuzi/r2cadknbr5.html>